

All India Radio, Sambalpur

SAMBALPURI NEWS BULLETIN

23 February 2018 - 8.28pm.

ମୁଖ୍ୟ ଖବର

୧- ବିଜେପୁର ବିଧାନସଭା ଆସନ ଲାଗି ଆସବା କାଏଲ ହେବା ଭୋଟ ।

୨- ଆସନକୁ ମୁଲ୍ ହେଲା ଇ ବଛର ମେଟ୍ରିକ୍ ପରୀକ୍ଷା ।

୩- ଓଡ଼ିଶା ତଟକୁ ଧନୁଷ୍ଟ ଶେପଶାସ୍ତ୍ର ସଫଲ୍ ପରୀକ୍ଷଣ ।

୪- ରାଏଜେ ବହୁଛେ ତାତି- ଚିଟିଲାଗଡ଼ ଆସନ ସବୁକୁ ତତ୍ତ୍ୱା ସହର ।

ଆଉର

୫- ବୌଦ୍ଧ କପ୍ କ୍ରିକେଟ୍ ଚୁର୍ଣ୍ଣାମୋଚ୍ଚ ଉତ୍ତନେଶ୍ୱର ଗାଉନ କ୍ଲବ୍ ଚମ୍ପିଆନ ।

ବିଜେପୁର RNU/SBP

ଆସବା କାଏଲ ବିଜେପୁର ବିଧାନସଭା ଉପ ନିର୍ବାଚନ ଲାଗି ଭୋଟ ହେବା । ୨ ଲାଖ ୨୧ ହଜାର ୧୪୪ ଭୋଟର ନିଜର ନିଜର ବୁଥ ନ ଭୋଟ ଦେବେ । ଇ ନିର୍ବାଚନ ମଣ୍ଡଳୀର ୨ ଶହ ୮୧ଟା ମତଦାନ କେନ୍ଦ୍ର ଭିତରୁ ୧୫୫ ଟା ମତଦାନ କେନ୍ଦ୍ରକେ ସମ୍ପେଦନଶୀଳ ବୁଥ ଭାବେ ଚିହ୍ନିତ୍ କରାଯାଇଛେ । ୨୦ଟା

ବୁଥୁ ସିସିଟିଭି ଲଗାଯିବାର ସହେତେ ୪୦ଟା ବୁଥୁ ନ ପର୍ଯ୍ୟବେକ୍ଷକ୍ ନିଯୁକ୍ତି ହେଇଛନ୍ । ଭୋଟ୍ ଲାଗି ପୁଲିଂ ପାର୍ଟି ଭି.ଭି. ପାର୍ ମିସିନ୍ ସାଙ୍ଗେ ଅଲଗା ସରଞ୍ଚାନ୍ ଧରିକରି ବୁଥୁ ମାନକେ ପୁହୁଟିବାରକେ ଲାଗିଛନ୍ । ଇଥୁରଲାଗି ପ୍ରଶାସନ୍ ତରଫୁ ସବୁ ପ୍ରକାରର ପ୍ରସ୍ତୁତି ଶେଷ୍ ହେଇଛେ । ଇ ଭୋଟ୍ କେନ୍ଦ୍ରା ଅବାଧ ଆଉ ନିରପେକ୍ଷ ହେବା ସେଟାକେ ନେଇକରି ବରଗଡ୍ ଜିଲ୍ଲାପାଲ୍ ଆର୍ ଆରକ୍ଷୀ ଅଧୀକ୍ଷକ ମିଶିକରି ଗୁଟେ ସାମ୍ବାଦିକ୍ ସମ୍ମିଳନୀଥୁ କହିଛନ୍ ଯେ, ଜିଲ୍ଲାର ଭିନ୍ ଭିନ୍ ସମ୍ବେଦନଶୀଲ୍ ଅଂଚଲ୍ ଆର୍ ବୁଥୁ ମାନକେ ବ୍ୟାପକ୍ ସୁରକ୍ଷା ବ୍ୟବସ୍ଥା କରାଯାଇଛେ ।

ସେନ୍ଦ୍ରା ଭୋଟ୍‌କେ ଶାନ୍ତିଶୃଙ୍ଖଳା ଆଉ ନିରପେକ୍ଷ କରବାର ଲାଗି ଆଏଜ୍ ରାଜ୍ୟ ମୁଖ୍ୟ ନିର୍ବାଚନ ଅଧିକାରୀ ଗଣମାଧ୍ୟମକେ ସୁରନା ଦେଇ କହିଛନ୍ ଯେ, ଭୋଟରମାନେ କେନ୍ଦ୍ରୀ ପ୍ରକାର ଲୋଭୁଥୁ ନାହିଁ ପଡ଼ିକରି ନିଜର୍ ନିଜର୍ ମତ୍ ସାବ୍ୟସ୍ତ୍ କରୁନ୍ ।

ବିଜେପୁର୍ ନିର୍ବାଚନ ମଣ୍ଡଳୀର ସରକାରୀ ଆଉ ବେସରକାରୀ ଅର୍ଫିସ୍, ଶିଳ୍ପସଂସ୍ଥା ନ କାମ୍ କରୁଥୁବା ଭୋଟରମାନକର୍ ଲାଗି ଆଏବା ଶନିବାର ଦିନ ସରକାର୍ ଛୁଟି ଘୋଷ୍ଣନା କରିଛନ୍ ।

ଇନ ଜନେଇ ଦିଆଯାଇପାରେ ଯେ, ଆଏବା ୨୮ ତାରିଖୁ ଭୋଟ୍ ଗନ୍ତି କରାଯାଇକରି ସେ ଦିନ୍ ଫଳାଫଲ୍ ବାହାରବା ।

ବିଜେପୁର-1 RNU/SBP

ବିଜେପୁର ଉପ ନିର୍ବାଚନ ଆନ୍ଦୋଳନ ଗଲା ରାତି ସୋହେଲା
ଥାନା ଇଲାକା ନ ଦୁଇ ଗୋଷ୍ଠୀଙ୍କର ଭିତରେ ମାଡ଼ପିଟ୍
ଲାଗିକରି ୩ ଝନ ଖଡ଼ିଆ ଖାବରା ହେଇଛନ୍ । ସେମାନଙ୍କୁ
ପହେଲା ସୋହେଲା ହାସପାତାଲ୍ ଆର ପଛେ ବୁର୍ଲା
ହାସପାତାଲ୍‌କେ ନିଆଯାଇଛେ । ଇ ବିଷେଥ ପୁଲିସ୍ ୩ ଝନଙ୍କୁ
ଅଟକ୍ ରଖିକରି ପରରାଉରରି କରୁଛେ । ଘର୍ନାକେ
ନେଇକରି ରାଜନୈତିକ୍ ପ୍ରତିକ୍ରିୟା ପ୍ରକାଶ୍ ପାଇଛେ ।

ମେଟ୍ରିକ୍ ପରୀକ୍ଷା RNU/CTC

ମାଧ୍ୟମିକ ଶିକ୍ଷା ପରିଷଦ୍ ତରଫୁ ହେଉଥିବା ବାର୍ଷିକ୍ ହାଇସ୍କୁଲ୍
ସାର୍ଟିଫିକେଟ୍ ପରୀକ୍ଷା, ମଧ୍ୟମା ଆଉ ରାଜ୍ୟ ମୁକ୍ତ ବିଦ୍ୟାଳୟ
ପରୀକ୍ଷା ଆଏଜ୍‌ଠାନୁ ମୁଲ୍ ହେଇଛେ । ଆଏଜ୍ ପହେଲା ଦିନେ
ମାଡ଼ଭାଷା ଓଡ଼ିଆ ପରୀକ୍ଷା ହେଇଥିଲା । ସଖାଲର ୯ ବଜେନୁ
ମୁଲ୍ ହେଇଥିବାର ମେଟ୍ରିକ୍ ପରୀକ୍ଷାଥ୍ ଇ ବଛର ୬ ଲାଖ୍‌ନୁ ଜହ
ଛାତ୍ରଛାତ୍ରୀ ପରୀକ୍ଷା ଦେଉଛନ୍ । ଚୌଦ୍ୱାର, ଅନୁଗୁଲ୍ ଜେଲ୍‌ଥ୍

ଭିଲ୍ କଏଦୀମାନଙ୍କର ଲାଗି ଆଏଜ୍ ମେଟ୍ରିକ୍ ପରୀକ୍ଷା ଦେଉଛନ୍ତି । ପରୀକ୍ଷାର ସୁପରିଚାଳନା ଲାଗି ରାଏଜେ ୩୦୨ଟା ନୋଡ଼ାଲ୍ ସେଂଟର କରାଯାଇଛି । ଶୃଙ୍ଖଳାଥି ପରୀକ୍ଷା ପରିଚାଳନା ଲାଗି ବୋର୍ଡ଼, ଜିଲ୍ଲାପାଲ୍ ଆଉ ଜିଲ୍ଲା ଶିକ୍ଷାଧିକାରୀମାନଙ୍କର ତରଫୁ ଷ୍ଟାଫ୍ ଗଠନ କରାଯାଇଛି । ହେଲେ ଆଏଜ୍ ପରୀକ୍ଷା ପ୍ରଶ୍ନପତ୍ର ପ୍ରଘଟ ହେଇଥିବାର ଡ୍ଵାନ୍ସଅପ୍ରେ ଆସ୍ବାର ଉତ୍ତରୁ ଛାତ୍ରଛାତ୍ରୀ ଆଉ ଅଭିଭାବକ୍ ମାନଙ୍କର ଭିତ୍ରେ ଚିନ୍ତା ପଶିଯାଇଥିଲା । ହେଲେ ମାଧ୍ୟମିକ୍ ଶିକ୍ଷା ପରିଷଦ୍ ତରଫୁ ପ୍ରଶ୍ନପତ୍ର ପ୍ରଘଟକେ ଅସ୍ଵୀକାର୍ କରାଯାଇଛି । ଇଟାକେ ନେଇକରି ବୋର୍ଡ଼ କାର୍ଯ୍ୟାଳୟ ନ ଗୁଟେ ଗୁରୁତ୍ଵପୂର୍ଣ୍ଣ ବୈଠକ୍ ବସିଥିଲା । ବୋର୍ଡ଼ ସଭାପତି ଡକ୍ଟର ଜାହାନ୍ ଆରା ବେଗମ୍ଙ୍କର ସୂଚନା ଅନୁସାରେ ଅବ୍ଜେକ୍ଟିଭ୍ ପରୀକ୍ଷା ଉତ୍ତରୁ କେହି ଝନେ ନିଜର ମୋବାଇଲ୍ଥି ଫଟୁ ଉଠେଇକରି ଇଟାକେ ଭାଇରାଲ୍ କରିଥାଇପାରନ୍ତି ।

ପରୀକ୍ଷା କେନ୍ଦ୍ରକୁ ମୋବାଇଲ୍ ମନା ଥିଲେ ଭିଲ୍ କେନ୍ସି କେନ୍ଦ୍ର ନ ମୋବାଇଲ୍ ଜରିଆଥି ଇ କାମ୍ ହେଇଥିବାର ଜନାପଡ଼ିଛି । ସେଥିରୁଲାଗି ଆଏବା ପରୀକ୍ଷାମାନଙ୍କେ ଯାଂଚ୍ ବ୍ୟବସ୍ଥାକେ

କଡ଼ାକଡ଼ି କରାଯିବା ଲାଗି କେନ୍ଦ୍ର ସୁପରିଟେଣ୍ଡେନ୍ସିଂଫାନ୍ସକୁ
କୁହାଯାଇଛେ ବଳି ଡକ୍ଟର ବେଗମ୍ କହିଛନ୍ ।

କେନ୍ଦ୍ରାପଡ଼ା ଜିଲ୍ଲାର ଆଳିଠାରେ ମେଟ୍ରିକ୍ ପରୀକ୍ଷା ଓଡ଼ିଆ
ପ୍ରଶ୍ନପତ୍ର ଲିକ୍ ହେଇଥିବାର ଘଟଣା ସତ୍ତ୍ୱେ ବଳି ପ୍ରାଥମିକ
ତଦନ୍ତୁ ଜନାପଡ଼ିଛେ ବଳି ଗଣଶିକ୍ଷାମନ୍ତ୍ରୀ ବଦ୍ରୀନାରାୟଣ ପାତ୍ର
କହିଛନ୍ । ସେ କହିଛନ୍ ଯେ , ପ୍ରଶ୍ନପତ୍ର ଲିକ୍ ଗୁଚେ ଗୁଜବ୍ ।

ସେଆଡ଼େ ପରୀକ୍ଷା ମୁଲ୍ ହେବାର ପହେଲା ଦିନୁ ସୁନ୍ଦରଗଡ଼
ଜିଲ୍ଲାର ଭିନ୍ ଭିନ୍ ବିଦ୍ୟାଳୟ ନ ଷ୍ଟାର୍ଡ୍ ତରଫୁ ଯାଂର୍ ସମିଆଥି
ଃ ଝନ୍ ପରୀକ୍ଷାର୍ଥୀ ଅସାଧୁ ଉପାୟ ଅବଲମ୍ବନ୍ କରୁଥିବାର
ସମିଆଥି ଧରାପଡ଼ିଛନ୍ ।

ବୌଦ୍ଧ ଜିଲ୍ଲାରେ ୩୨ଟା ପରୀକ୍ଷା କେନ୍ଦ୍ର ନ ପାଖାପାଖି ୭ ହଜାର
ପରୀକ୍ଷାର୍ଥୀ ଇ ବଛର୍ ମେଟ୍ରିକ୍ ପରୀକ୍ଷା ହେଉଛେ । ଆଏକ୍
ସାରା ଜିଲ୍ଲା ନ ଶାନ୍ତିର୍ ସହେତେ ମେଟ୍ରିକ୍ ପରୀକ୍ଷା ମୁଲ୍
ହେଇଛେ ।

ମନ୍ କି ବାତ୍ RNU/CTC

ଆଏବା ୨୫ ତାରିଖ୍ ରଏବାର୍ ଦିନ ୧୧ ବଜେ ପ୍ରଧାନମନ୍ତ୍ରୀଙ୍କର୍
ରେଡ଼ିଓ କାର୍ଯ୍ୟକ୍ରମ୍ ମନ୍ କି ବାତ୍ ଆକାଶବାଣୀଥି ପ୍ରସାରଣ୍

କରାଯିବା । ଇଟା ହେବା ମନ୍ କି ବାଡ଼ କାର୍ଯ୍ୟକ୍ରମର ୪୧
ତମ ସଂସ୍କରଣ । ଆକାଶବାଣୀର ସବୁ କେନ୍ଦ୍ର, ବିବିଧ
ଭାରତୀ ସେବା, ଡିଟିଏଚ୍ ସେବା, ଏଫ୍ଏମ୍ ରେନ୍‌ବୋ
ସେବା ଆଉ ଆକାଶବାଣୀ ଅଧୀନଥି ଝଟା ଗୋଷ୍ଠୀ ବେତାର
କେନ୍ଦ୍ର ନ ପ୍ରଧାନମନ୍ତ୍ରୀଙ୍କର ମନର କଥା ଶୁନ୍‌ବାରକେ
ମିଳିବା । ରାଏଜର ସବୁ ଆକାଶବାଣୀ କେନ୍ଦ୍ରକୁ ଇ ମନ୍ କି
ବାଡ଼ର ଓଡ଼ିଆ ଭାଷାନ୍ତର ସେହିଦିନ ରାତି ୮ ବଜେ ପ୍ରସାରିତ
ହେବା ।

ରାଜ୍ୟସଭା ନିର୍ବାଚନ RNU/SBP

ରାଜ୍ୟସଭା ନିର୍ବାଚନ ଲାଗି ନିର୍ବାଚନ କମିଶନ୍ ତାରିଖ ଘୋଷଣା
କରିଛନ୍ । ଆସବା ମାସର ୨୩ ତାରିଖ ଦିନ ୧୬ ଟା
ରାଏଜ୍‌ଥି ୫୮ଟା ଖାଲି ହେଉଥିବା ରାଜ୍ୟସଭା ଆସନ୍ ଲାଗି
ଭୋଟ୍ ହେବା । ଓଡ଼ିଶା ନୁ ୩ଟା ଆସନ୍ ଲାଗି ଭୋଟ୍
ହେବାରକେ ଥିବାର ବେଳେ ବିହାରକୁ ୬ଟା ରାଜ୍ୟସଭା
ଆସନ୍ ଲାଗି ଭୋଟ୍ ହେବା । ଓଡ଼ିଶାର ରାଜ୍ୟସଭା ସଂସଦ୍
ଅନଙ୍ଗ ଉଦୟ ସିଂହଦେଓ, ଦିଲ୍ଲୀପ୍ ତୀର୍କୀ, ଏ.ଭି. ସ୍ଵାମୀଙ୍କର
କାର୍ଯ୍ୟକାଳ୍ ଶେଷ୍ ହେଉଛି । ଆସବା ମାର୍ଚ୍ଚ ମାସର ୫
ତାରିଖ୍‌ଥି ଭୋଟ୍ ଲାଗି ବିଧିବଦ୍ଧ ନିଷ୍ପତି ପ୍ରକାଶ୍ ପାଏବା ।

ଧନୁଷ୍ଠ ପରୀକ୍ଷା

RNU/SBP

ଭୂପୃଷ୍ଠରୁ ଭୂପୃଷ୍ଠକେ ନିକ୍ଷେପ କରାଯାଇଥିବା ଧନୁଷ୍ଠ
କ୍ଷେପଣାସ୍ତ୍ରର ଆଏଜ୍ ସଖାଲେ ଓଡ଼ିଶା ତଟରୁ ସଫଳ
ପରୀକ୍ଷା କରାଯାଇଛି । ସ୍ଵଦେଶୀ ଜ୍ଞାନ କୌଶଲ୍ୟ ଡିଆର
ହେଇଥିବାର ପୃଥ୍ଵୀ-୨ କ୍ଷେପଣାସ୍ତ୍ର ନାଭାଲ୍ ଭର୍ସନ୍ ଧନୁଷ୍ଠ
ମିଶାଲ୍ ୧୦ ବାଜିକରି ୫୨ ମିନିଟ୍ ପାରାଦ୍ଵୀପ୍ ଉପକୂଳ
ପରୀକ୍ଷା କରାଯାଇଥିଲା । ଭାରତୀୟ ନୌସେନାର
କମାଣ୍ଡଫୋର୍ସ ଆଉ ଡିଆରଡିଓ ଅଧିକାରୀମାନେ ଉପସ୍ଥିତ
ରହିକରି କ୍ଷେପଣାସ୍ତ୍ର ଗତିବିଧି ଦେଖିରେଖି କରିଥିଲେ ।
ଠିକ୍ ଭାବେ ମିଶାଲ୍‌ଟା ଲକ୍ଷ୍ୟ ଭେଦ କରିଥିବାର
ବୈଜ୍ଞାନିକମାନେ କହିଛନ୍ । ଇ ମିଶାଲ୍ ୩ ଶହ ୫୦
କିଲୋମିଟରତକ୍ ଲକ୍ଷ୍ୟଭେଦ କରିପାରୁ । ଇ ମାସ ଧନୁଷ୍ଠ
କ୍ଷେପଣାସ୍ତ୍ରକେ ମିଶେଇକରି ମୋଟ୍ ୫ ଥର ଓଡ଼ିଶା ତଟରୁ
କ୍ଷେପଣାସ୍ତ୍ର ପରୀକ୍ଷା କରାଯାଇଛି । ଇତାର ଆଘୋରୁ
ଧନୁଷ୍ଠ କ୍ଷେପଣାସ୍ତ୍ର ଓଡ଼ିଶା ତଟରୁ ଏପ୍ରିଲ୍ -୨୦୧୫ ଥି
ପରୀକ୍ଷା କରାଯାଇଥିଲା ।

ପାର୍ସଲ୍ ବୋମା

Bolangir/R

ଆଏଜ୍ ବଲାଙ୍ଗିର ପାଟଣାଗଡ଼ ବୁକ୍ ଛକ୍ ପାଖେ ଝନେ ଲୁକର
ଘରେ ପାର୍ସଲ୍ ବୋମା ଫୁଟିକରି ଦୁଇ ଝନକର ମୃତ୍ୟୁ
ଘଟିଥିବାର ବେଳେ ଝନେ ଗୁରୁତର ଆହତ ହେଇଛନ୍ ।
ଘର୍ନାନ୍ତୁ ଜନାପଡ଼ିଛେ ଯେ, ଗଲା ୧୮ ତାରିଖ
ପାଟଣାଗଡ଼ ବୁକ୍ ଛକର ରବୀନ୍ଦ୍ର ସାହୁଙ୍କର ପୁଓ ବିହାଘର
ହେଇଥିଲା । ହେଲେ ଆଏଜ୍ ସଖାଲେ କେହି ଝନେ ଲୋକ୍
ତାଙ୍କର ଘରକେ ଆସିକରି ଉପହାର ପେକେଟ୍ ଦେଇକରି
ଯାଇଥିଲେ । ଇ ପେକେଟ୍ ଖୁଲିଲା ବେଳେ ବୋମାଟା ଫୁଟି
ଯାଇଥିଲା । ଇ ଘର୍ନାଥ୍ ନୂଆ ଭୂଆସେନ୍ ଗୁରୁତର ଆହତ
ହେବାର ସହେତେ ଡାକର ସ୍ତ୍ରୀ ଆଉ ପାଖେ ଥିବାର
ଡାକର ଆଇ ଲକ୍ ମୃତ୍ୟୁ ଘଟିଛେ । ଘର୍ନାକେ ନେଇକରି
ଇଲାକା ନ ଶୋକାକୁଲ୍ ପରିବେଶ ସୃଷ୍ଟି ହେଇଛେ ।

ପରଲୋକ RNU/CTC

ଆଘର ବିଧାୟକ୍ ନିତ୍ୟାନନ୍ଦ ସାମନ୍ତରାୟଙ୍କର ଆଏଜ୍
ଦୁଇପହରେ ତାଙ୍କର କଟକର ଘରେ ହୃଦ୍‌ଘାତଥ୍ ପରଲୋକ୍
ହେଇଯାଇଛେ । ମୃତ୍ୟୁବେଳକେ ତାଙ୍କୁ ୮୫ ବଛର ବୟସ୍
ହେଇଥିଲା । ସେ ୧୯୮୫ ମସିହାଥ୍ ଡିଡ଼ୋଲ୍ ବିଧାନସଭା

ନିର୍ବାଚନମଣ୍ଡଳୀନୁ କଂଗ୍ରେସ୍ ବିଧାୟକ ଭାବେ ନିର୍ବାଚିତ୍ ହେଇକରି ୧୯୯୦ ତକ ବିଧାୟକ ଥିଲେ ।

ପି.ଆଇ.ବି. କର୍ମଶାଳା RNU/CTC

ଭାରତ୍ ସରକାରଙ୍କର ସୂଚନା ଆଉ ପ୍ରସାରଣ ମନ୍ତ୍ରଣାଳୟ ଅଧୀନ ଥିବା ଭୁବନେଶ୍ୱର ପତ୍ର ସୂଚନା କାର୍ଯ୍ୟାଳୟ ଦ୍ୱାରା କୋରାପୁଟ୍‌ଠାରେ ଦିନକିଆ ଗ୍ରାମାଂଚଳ୍ ଗଣମାଧ୍ୟମ୍ ବିଷେଥ୍ ଗୁଚେ କର୍ମଶାଳା ହେଇଛେ । ଇଥ୍ କେନ୍ଦ୍ର ଆଉ ରାଜ୍ୟ ସରକାରଙ୍କର ଭିନ୍ ଭିନ୍ ଅଧିକାରୀ ଆଉ ସେନର ଭିନ୍ ଭିନ୍ ଖବରକାଗଜ୍ ଆଉ ବୈଦ୍ୟୁତିକ ଗଣମାଧ୍ୟମ୍‌ର ପ୍ରତିନିଧିମାନେ ଅଂଶଗ୍ରହଣ୍ କରିକରି କେନ୍ଦ୍ର ସରକାରଙ୍କର ଭିନ୍ ଭିନ୍ ଉନ୍ନୟନମୂଳକ୍ କାର୍ଯ୍ୟକ୍ରମମାନଙ୍କର ସୂଚନା କେନ୍ଦ୍ରା ଲୋକମାନଙ୍କର ପାଖେ ପୁହୁଁଚି ପାରବା, ସେ ବାବଦେ ଆଲୋଚନା କରିଥିଲେ । ଇ କାର୍ଯ୍ୟକ୍ରମ୍ ଆକାଶବାଣୀ ଜୟପୁର୍ କେନ୍ଦ୍ର ନିର୍ଦ୍ଦେଶକ ଯୁଗଳ କିଶୋର୍ ପଣ୍ଡା, ଭୁବନେଶ୍ୱର ପତ୍ର ସୂଚନା କାର୍ଯ୍ୟାଳୟର ଅଧିକାରୀ ପ୍ରଦୀପ୍ କୁମାର୍ ଚୌଧୁରୀ, କୋରପୁଟ୍ ଏ.ଡିଏମ୍. ଡି. ପ୍ରଧାନ ଆଉ କ୍ଷେତ୍ର ପ୍ରଚାର ଅଧିକାରୀ ମନୋଜ୍ ପାତ୍ର ପ୍ରମୁଖ୍ ଉପସ୍ଥିତ୍ ଥିଲେ ।

ବିଜେପୁର-1 RNU/SBP

ବିଜେପୁର ଉପ ନିର୍ବାଚନ ଆଘୋନୁ ଗଲା ରାତି ସୋହେଲା
ଥାନା ଇଲାକା ନ ଦୁଇ ଗୋଷ୍ଠୀଙ୍କର ଭିତରେ ମାଡ଼ପିଟ୍ ଲାଗିକରି
୩ ଝନ୍ ଖଣ୍ଡିଆ ଖାରରା ହେଇଛନ୍ । ସେମାନକୁ ପହେଲା
ସୋହେଲା ହାସପାତାଲ୍ ଆର ପଛେ ବୁର୍ଲା ହାସପାତାଲ୍ କେ
ନିଆଯାଇଛେ । ଇ ବିଷେଥ୍ ପୁଲିସ୍ ୩ ଝନ୍କୁ ଅଟକ୍ ରଖିକରି
ପର୍ରାଉରରି କରୁଛେ । ଘର୍ନାକେ ନେଇକରି ରାଜନୈତିକ୍
ପ୍ରତିକ୍ରିୟା ପ୍ରକାଶ୍ ପାଇଛେ ।

ଭୁଟାନ ଦଲର୍ ସମ୍ବଲପୁର ପରିଦର୍ଶନ୍ RNU/SBP

ରାଜା ଇନ୍ଦ୍ରଭୂତି, ରାଜଭଗିନୀ ବିଦୁଷୀ ଲକ୍ଷ୍ମୀକରା ଆଉ ରାଜପୁତ୍ର
ମହାପଦ୍ମସମ୍ଭବଙ୍କର ସମ୍ବଲର ସନ୍ଧାନଥ୍ ଭୁଟାନର ଗୁଟେ ୪
ଝନିଆ ଦଲ୍ ଆଏଜ୍ ସମ୍ବଲପୁରର ଧନକୋଷ୍ଟ ଇଲାକା ବୁଲି
ଦେଖୁଛନ୍ । ଇତାର୍ ଉତ୍ତରୁ ଇ ୪ ଝନିଆ ଦଲ୍ ସୋନ୍ପୁର
ପରିଦର୍ଶନ୍ଥ୍ ଯାଇଥ୍ଲେ ।

କ୍ରିକେଟ୍ Boudh/R

ବୌଦ୍ଧ ଜିଲ୍ଲା କ୍ରିକେଟ୍ ଆସୋସିଏସନ୍ ତରଫୁ ଚାଲିଥିବା ୫ ନମ୍ବର ରାଜ୍ୟସ୍ତରୀୟ ବୌଦ୍ଧ କପ୍ କ୍ରିକେଟ୍ ଟୁର୍ଣ୍ଣାମେଣ୍ଟ୍ ଡୁବ୍‌ନେଶ୍‌ବର ଟାଇମ୍ କ୍ଲବ୍ ଦଲ୍ ୮୬ ରନ୍‌ଥୁ ଜିତିଛି । ଡୁବ୍‌ନେଶ୍‌ବର ଦଲ୍ ୨୫ ଓଭର୍‌ଥୁ ୫ ଉଇକେଟ୍ ହରେଇକରି ୧୮୨ ରନ୍ କରିଥିବାର ବେଳେ ସମ୍ବଲପୁର ଦଲ୍ ୨୦ ଓଭର୍ ୧ ବଲ୍‌ଥୁ ସବୁ ଉଇକେଟ୍ ହରେଇକରି ଖାଲି ୯୫ ରନ୍ କରିଥିଲା । ମାନସ୍ ଦାସ୍‌ଙ୍କୁ ମେନ୍ ଅଫ୍ ଦି ମେଚ୍ ପୁରସ୍କାର ଦିଆଯାଇଥିଲା ।

ହକି RNU/CTC

ଦକ୍ଷିଣ କୋରିଆ ନ ହେବାରକେ ଥିବା ହକି ଟୁର୍ଣ୍ଣାମେଣ୍ଟ୍ ଲାଗି ଘୋଷ୍ଣା କରାଯାଇଥିବାର ଭାରତୀୟ ମହିଳା ହକି ଦଲ୍‌ଥୁ ଓଡ଼ିଶାର ୪ ଝନ୍ ସାମିଲ୍ ହେଇଛନ୍ । ସେମାନେ ହେଲେ ସୁନୀତା ଲାକ୍ଷ୍ମୀ, ନମିତା ଚଞ୍ଚୋ, ଦୀପ୍ ଗ୍ରେସ୍ ଏକ୍ସା ଆର୍ ଲାଲିମା ମିଞ୍ଜି । ଆଏବା ମାସ ୩ ତାରିଖ୍‌ନୁ ମୁଲ୍ ହେବାରକେ ଥିବାର ଇ ଟୁର୍ଣ୍ଣାମେଣ୍ଟ୍ ଭାରତ୍ ୫ଟା ମେଚ୍ ଖେଲ୍‌ବା ।

ପାଣିପାଗ RNU/SBP

ରାଏଜେ ତାପମାତ୍ରା ଧିରେ ଧିରେ ବଢ଼ିବାକୁ ଲାଗିଛି । ପଶ୍ଚିମ୍ ଆର୍ ଆଭ୍ୟନ୍ତରୀଣ ଓଡ଼ିଶାର କିଛି ଜାଗା ନ ଆଏଜ୍ ଦିନର ସବୁନୁ ଜହ ତାପମାତ୍ରା ୩୭ ଡିଗ୍ରୀ ଉପରେ ଥିବାର ରେକର୍ଡ଼ କରାଯାଇଛି । ରାଜଧାନୀ ଭୁବନେଶ୍ୱର ସହେତେ ତାଲଚେର, ସମ୍ବଲପୁର, ସୋନପୁର, ଅନୁଗୁଲ୍ ନ ଦିନର ସବୁନୁ ଜହ ତାତି ୩୬ ଡିଗ୍ରୀ ଉପରେ ରହିଥିଲା । ଚିଟିଲାଗଡ଼ ଆଝିର ସବୁନୁ ତତଲା ସହର ହିସାବେ ତାପମାତ୍ରା ୩୭ ଦଶମିକ୍ ୫ ରେକର୍ଡ଼ କରାଯାଇଥିବାର ବେଳେ ଅନୁଗୁଲ୍ ୩୭ ଦଶମିକ୍ ୧, ହୀରାକୁଦ୍ ୩୫ ଦଶମିକ୍ ୬, ତାଲଚେର ୩୬ ଦଶମିକ୍ ୭ ଆର୍ ସୋନପୁର ନ ୩୭ ଦଶମିକ୍ ୨ ଡିଗ୍ରୀ ରେକର୍ଡ଼ କରାଯାଇଛି । ପାରାଦ୍ୱୀପ୍ ଆଉ ଦାରିଙ୍ଗପାଡ଼ିକେ ଛାଡ଼ିଦେଲେ ରାଏଜର ପ୍ରାୟ ସବୁ ସହରର ତାପମାତ୍ରା ୩୦ ଡିଗ୍ରୀ ଉପରେ ଥିଲା । ପଶ୍ଚିମ୍ ଆଉ ଉପକୂଲ୍ ଓଡ଼ିଶା ନ ଆଏତ୍କା ତାତି ଅନୁଭୂତ ହେଉଛି । ବଲାଙ୍ଗିର ନ ଦିନର ସବୁନୁ ଜହ ତାତି ୩୪ ଦଶମିକ୍ ୮ ରହିଥିବାର ବେଳେ ସମ୍ବଲପୁର ୩୬ ଦଶମିକ୍ ୩, ଝାରସୁଗୁଡ଼ାର ୩୫ ଦଶମିକ୍ ୨ ଥିଲା । ଆଏବା ହସ୍ତେ ଭିତରେ ରାଏଜର ଭିନ୍ ଭିନ୍ ଜାଗାନ ତାପମାତ୍ରା ୨ ନୁ ୩ ଡିଗ୍ରୀ ବଢ଼ିବା ବଳି ଭୁବନେଶ୍ୱର ଆଂଚଳିକ୍ ପାଣିପାଗ ବିଭାଗ ତରଫୁ କୁହାଯାଇଛି । ଖାସ୍

କରି ପଶ୍ଚିମ୍ ଓଡ଼ିଶା ନ ଜବର୍ ଗରମ୍ ହେବା । ପବନର
ବେଗ କମିଯାଇଥିବାରୁ ଜହ ତାତି ହେବା ବଳି ପାଣିପାଗ
ବିଭାଗ କହିଛେ ।